

ԿՈՌՈՒՊՑԻԱՅԻՑ ՀԵՌՈՒ ՄՆԱԼՈՒ ՊԱՏՎԻՐԱՆ ԱՅՍՕՐ ԷԼ ԱՆՓՈՓՈՒՑ Է. ԱՐԱ ԶՈՒՐԱԲՅԱՆԻ ԽՈՐՀՈՒՐԴԸ ՓԱՍՏԱԲԱՆԱԿԱՆ ԴՊՐՈՑԻ ՇՐՋԱՆԱՎԱՐՏՆԵՐԻՆ

08.12.2018 15:55



ՀՀ փաստաբանների պալատի խորհրդի այսօրվա՝ 2018թ. դեկտեմբերի 8-ի նիստի օրակարգում ՀՀ փաստաբանական դպրոցի 51 շրջանավարտներիս արտոնագրեր տալու հարցն էր:

Փաստաբանների պալատի նախագահ Արա Զոհրաբյանը ողջույնի խոսքում շնորհավորել է շրջանավարտներին փաստաբան դառնալու կապակցությամբ: Նա նշել է, որ Փաստաբանների պալատը յուրաքանչյուր նոր հոսքի հետ նոր հույսեր է կապում: **«Զեր համարձակությամբ, համառությամբ և ազատամտությամբ պետք է պաշտպանեք ձեր վստահորդի իրավունքներն ու օրինական շահերը, դրանով լուծեք նաև Սահմանադրությամբ երաշխավորված յուրաքանչյուրի իրավաբանական օգնություն ստանալու իրավունքի իրականացումը»**, -նշել է Արա Զոհրաբյանը:

Խոսելով փաստաբանական դպրոցի կարևորության մասին՝ Արա Զոհրաբյանը հայտնել է, որ սա կարևոր հաստատություն է, քանի որ սովորելու ընթացքում, բացի գիտելիքներից և հմտություններից, ունկնդիրները մեծ շրջապատ են ձեռք բերում:

Պալատի նախագահը խոսել է փաստաբանական համայնք ընդունվելիս կոռուպցիայի մեջ թաթախվելու անընդունելիությունից: Նա մասնավորապես ասել է. **«Կոռուպցիայից հեռու մնալու պատվիրանն անփոփոխ է, ինչպես այսօր, այնպես էլ ձեր ողջ մասնագիտական կարիերայի ընթացքում: Կոռուպցիան մեծ վտանգ է ներկայացնում մեր մասնագիտության նկատմամբ»**:

Փաստաբանական դպրոցի տնօրեն Սիմոն Բաբայանը նույնպես շնորհավորել է շրջանավարտներին և ասել. **«Դուք մուտք եք գործում փաստաբանական համայնք մեծ ակնկալիքով: Շնորհավորում եմ ձեզ բավականին բարդ ուսումնական գործընթացով անցնելու և այն հաղթահարելու կապակցությամբ: Պետք է նշեմ, որ ուսումնական գործընթացը մենք տարեցտարի կատարելագործում ենք: Դրա արդյունքում ստեղծվում են ուսումնական արգելքներ, սրանով ապահովում ենք ակադեմիական արդարությունը»**:

Փաստաբանների պալատի նախագահի տեղակալ, խորհրդի անդամ Կարեն Մեծլումյանն էլ իր շնորհավորական խոսքում առանցնացրել է մի փաստ,

որ դատարաններում արդեն հանդիպում են փաստաբաններ, որոնք նոր սերնդից են, գրագետ են, խոհեմ ու վստահելի: Նրա խոսքով փաստաբանն իր վստահորդի հետ պետք է առավելագույնս անկեղծ լինի: **«Ես կարծում եմ, որ դա փաստաբանի հաջողության ու հեղինակության գրավականն է»**, - ընդգծել է նա:

Խորհրդի անդամ Սեդրակ Ասատրյանն էլ օրը պատմական է համարել, քանի որ նրա խոսքով 10 տարի առաջ չէինք կարող երագել, որ այս որակի փաստաբաններ կարող ենք ունենալ: **«Այսօր որպես դասախոս լսարան մտնելիս անհրաժեշտ է զգույշ լինել քանի որ ունկնդիրները բավականին լուրջ ճանապարհ անցած անհատականություններ են: Մեր վրացի գործընկերները ակնածանքով են խոսում մեր փաստաբանական դպրոցի մասին»**, - նշել է նա:

Ողջունի ու երախտիքի խոսքերից հետո շրջանավարտները երգվել են ազնիվ և բարեխիղճ կատարել փաստաբանի պարտականությունները, պահպանել փաստաբանական գաղտնիքը, պաշտպանել վստահորդների իրավունքները, ազատությունները և շահերը՝ ղեկավարվելով Հայաստանի Հանրապետության Սահմանադրությամբ, օրենքներով և փաստաբանի վարքագծի կանոնագրքով:



ՀՀ ՓԱՍՏԱԲԱՆԱԵՐԻ ՊԱԼԱՏԻ ՄԱՍԻՆԻ Ի ՕՍՏԱՆՈՒԹՅՈՒՆ
PRESS SERVICE OF CHAMBER OF ADVOCATES OF RA







Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })